



Selasa, 10 Nopember 2020
Ogen: Keluaren 1: 15-20



Pahlawan Masa Kini



Data seh i bas tanggal 15 September 2020, enggo lit 115 dokter idilo Dibata i bas masa pandemi covid 19. Tentu mahanca negeri enda tuhu-tuhu erceda ate. I tengah-tengah situasi covid si lenga ngadi, tapi garda terdepan para medis enggo “tumbang” sada per sada terkena covid 19 enda ndai. Tentu la banci lang, enda pe jadi perenungen sekaligus pelajaren man banta. Adina kita la njaga diri, keluarganta alu make protocol kesehaten tentu si rawanna korban eme senina turangta i bas tim medis. Sabap ia me si pemena ngerawat kita, amin pe ipakena alat-alat pelindung diri, kerina lit nge kelemahenna. Ras la lit dalinna nilah adi reh kita ndahi ia.

Siprah ras Puah i bas oratenta enda eme dua kalak bidan si nampati diberu kalak Heber guna mupus, ia isuruh guna munuhi anak-anak kalak Heber si tubuh (anak dilaki), tapi si ilakokenna la sue ras perintah Firaun. Ilakokenna sentudu bagi sura-sura Tuhan, sabap biaren nge ia man Dibata asangkan manusia. Dungna Dibata pe ngaturken masa depan duana bidan si erkemalengen man baNa enda. Ertina ia pe termasuk pejuang man bangsa Heber asum Firaun ersura ngkurangi beligan bangsa Heber i Mesir. Jiwa pahlawan e me pang muat resiko i bas kerina si idalankenna. Duana bidan enda la ndalanken printah raja ertina ersikap ia ngalo-ngalo ukumen raja uga gia bentukna guna nelamatkan anak-anak si mabru tubuh. Mbelin kal i je jiwa kemanusianna. Sendah Wari Pahlawan Nasional. Ngingetken kita kerna perjuangan pahlawan-pahlawan i bas negerinta, berjuang alu gegeh kengasupenna. La ia mbiar ngalaken musuh-musuh si nerang bangsanta. Jiwa nasionalis tersuan i bas pusuhna, eme mpertahanken tanah air Indonesia. Mbages kal pengukuri para pejuangta ndube, labo terjeng dirina kal ngenca tapi iukurina guna masa depan anak kempuna, masa depanta ras anak-anakta, masa depan Negara enda. Guna si e maju ia ku bas barisen terdepan Janah 17 Agustus tahun 1945 me si itentukan Dibata guna wari kemerdekaan bangsanta. Labo pelin-pelin gegeh pejuang tapi perkuah ate Dibata enggo seh waktuna Indonesia Merdeka. Jiwa cinta bangsa ras negara en perlu isuanken man banta kerina.